



UNIVERSITÄTS-
BIBLIOTHEK
PADERBORN

Institutiones Canonicæ

Schnorrenberg, Anno

Coloniae, 1740

Titulus VIII. De Libelli Oblatione.

[urn:nbn:de:hbz:466:1-62040](#)

T I T U L U S VIII.

DE

Libelli Oblatione.

Si reus legitimè citatus in judicio per se vel Procuratorem suum compareat, neque de Judicis, ad quem citatus, incompetentia excipiat, aut ejus jurisdictionem declinet, Actor Judici libellum offert, vel ante oblatum reproducit, & illius copiam reo communicat, ut is sciat, quid ab eo petatur, & declarare possit, an liti cedere, an contendere velit, & super quo exceptions ac defensiones suas firmare & fundare beat.

Quæres primò. Quid est libellus?

R. Libellus est editio actionis futuræ litis speciem continens. *L. 3. de edend.* Seu est brevis scriptura claram Actoris intentionem continens, & contra adversarium necessariò concludens.

Quæres secundò. Quotuplex libellus;

R. Dividitur libellus in civilem, siue conventionalem, aut postulatorium, qui in civilibus datur quæstionibus, in quo Actor rem suam, vel quam sibi deberi existimat, à Judice petit, *cap. fin. de libelli oblation.* & criminali five accusatorium, qui in criminalibus porrigitur causis, in quo

delictum ad afflictivam corporis pœnam, vel pecuniariam mulctam fisco applicandam ad Judicem defertur. De quo in cap. qualiter & quando. 24. de accusat.

Quæres tertiò. Quis finis libelli?

R. Duplex est. Primò quidem Judex ex libello scire debet, de quo judicandum, cum juxta petitionem in libello contentam à Judice sententia vel condemnatoria vel absolutoria sit ferenda. *Cit. cap. qualiter. & quando. cap. licet Heli. 31. de Simon.* Deinde reus ex libello, deliberatione habita, cognoscere debet, an actori rem petitam cedere, vel cum eodem judicio contendere velit. *Can. induc. 3. caus. 3. q. 3.* Ex his capitibus libellus in principio causæ Judici offerendus, per quem communicatio libelli reo decernenda, *L. 1. ff. de edendo.*

Quæres quartò. An libellus in scriptis exhibendus?

R. Affirmativè. Quia juxta cap. quoniam, 11. de probat. ne falsitas veritati præjudicet, aut iniurias prævaleat æquitati, Judex adhibere debet aut publicam, si potest, habere personam, aut duos viros idoneos, qui fideliter universa judicij acta conscribant, vide licet

licet citationes, dilationes, &c. ideoque etiam libellus in scriptis est dandus, *Cap. 1. de oblat. Libelli. & actis causæ inserendus.*

Quæres quintò. In quibus causis owti potest libellus?

R. Omnes causæ, quæ cum ordine judicario cognoscenda, libellum requirunt, qui est principium & fundamentum litis. Quædam tamen sunt, in quibus libellus non est necessariò in scriptis exhibendus, ut 1mò in iis, in quibus de plano, summarie, absque strepitu & figura judicii proceditur. Clement. 2. de V. S. 2d. In causis modicæ estimationis inter rusticos, pauperes, personas viles &c. 3tò. In multis locis consuetudine inductum est, ut etiam in judicio Ordinario, id est, in quo ordo judicarius à jure præscriptus observatur, libellus scriptus non offeratur, sed coram Judice nudis verbis causa proponatur, eaque à Notario actis inserantur, quod tunc sufficit: juri enim scriptio derogat fori consuetudo. L. 3. §. fin. ff. de testib.

Quæres sextò. Quas libellus requirit conditiones?

R. Tres. 1. Debet esse brevis, hoc est: rejectis superfluis solùm continet ea, quæ si probentur, ad intentiōnem Actoris contra reum faciunt. 2. Sit clarus sine æquivocatione, generalitate, ad rem certam determinatus. Cap. significantibus. 2. de libelli oblat. Cum enim sententia certa & libello conformati esse debeat, si in hoc res incerta petatur, incerta sequetur sententia, ut

enim dicit Alexand. III. in *cap. de muliere. 6. de Sponsal.* Quia certum nihil nobis expressisti, nihil certam inde tibi possumus respondere. In certis tamen casibus libellus generalis vel alternativus esse potest. Generalis, quando illa, quæ petuntur, non sunt satis certa, nisi de illis prius cognoscatur; ut in petitione fructuum, expensarum, damni & interesse, ad quod pro majori cautela addi solent similes clausula: cum expensis factis & faciendis omni meliori modo & forma, quo de jure, Statuto, vel consuetudine fieri solet & deber, petendo sibi jus administrari, implorando desuper officium Judicis &c. Alternativus esse potest, quando reo datur electio, ut Actor Iesus ultra dimidium petat vel supplementum pretii, vel restitutio nem rei venditæ: Creditor petit vel debitum solvi, vel pignus dari: Spoliatus repeat rem suam, si adhuc existat, aut pretium, si consumpta fuerit. 3tò. Libellus omnia, quæ de jure sunt exprimenda, continere debet.

Quæres septimò. Quæ de jure in libello sunt exprimenda?

R. Exprimenda est 1mò res, quæ petitur. 2dò. Nomen actoris & rei. 3tò. Causa petendi. 4tò. Coram quo Judice petatur. Gloss. in cap. 1. de Libell. oblat. Verb. libellum reclamationis. Quæ comprehenduntur sequentibus Versibus:

Conventi nomen, & nomen convenientis,

Qqq 2 Judi-



Judicis & nomen scribet, causamque petendi,

Et quascunque petet res, istas scribere debet.

Quæres octavò. Qualiter res petita est exprimenda?

R. Res petita specificè exprimenda est: an tota petatur, an ejus pars, & quota pars. L. si in rem. 6. ff. de rei vindicat. cap. significantibus, 2. de Libell. oblat.

Quæres nonò. Qualiter causa petitionis exprimenda?

Pro quo distinguendum est: alia causa petitionis remota, alia proxima. Causa petitionis proxima est jus in re, vel jus ad rem, ex quo Actor reum convenit. Causa remota est titulus, ex quo Actor jus in re, vel jus ad rem acquisivit, ex quo reum Actor convenit. Hoc supposito.

R. Distinguendo: In actione reali sufficit, quod causa petendi proxima, sive rei Dominium, vel quasi Dominium exprimatur; quia expressâ causâ proximâ, dum peto rem, quæ mea aut jure Dominii aut quasi Dominii, sufficienter reus instruitur, ut delibere valeat, an cedere vel contendere velit.

2dō. In actione personali etiam causa remota petendi, sive titulus, ex quo in reo illud, quod petitur, concedendi nascitur obligatio, in quo libello est exprimenda. Uti: peto 100. à reo, quæ debet ex mutuo, deposito, vel venditione, alioquin reus respondere & litem contestari non tene-

tur. Cap. dilecti. 3. de oblat. libelli. Ratio disparitatis est; quod res nonni ex una causa nostra esse possit. L. possideri. 3. §. 4. ff. de acquirend. vel amittend. possess. Obligationes verò personales non sunt omnes ejusdem rationis, sed pro diversitate titulorum variantur. Hinc causæ remota exprimenda, ut Judici de natura obligationis constet, & reus probationes paratas habere possit; cum respectu obligationis ex uno contractu possit ipsi competere exceptio, quæ non competit ex altero: in actione autem reali per expressionem causæ proximæ videlicet Dominii reus sufficienter instruitur, cum sciat se Actori rem, cuius Dominium prætendit, restituere debere, ex quacunque demum causa ei Dominium continget.

Quæres decimò. Quæ forma libelli?

R. Libellus in forma cuiusdam syllogismi exhibendus est. 1mō. Factum exponit, quod habet locum majoris. 2dō. Ex facto narratur causa emergens: Ex quo 3tiō. fit conclusio vel petitio. Ut Titius spoliatus format hunc libellum: 1mō. Exponit, qualiter à Cajo è domo sua violenter sit ejectus. 2dō. subjungit: Cum autem nullus in pacifica possessione sit turbandus, vel si turbatus, ante omnia restituendus; Ideo 3tiō. petit, quatenus Judex spoliatum restituere, & spoliatori restitutio nem damni inde exorti, & lucri celsantis, cùmque in expensas condemnare velit.

Quæres

Quæres undecim. An actor libellum mutare possit?

R. Actor porrectum libellum tam in causis civilibus quam criminalibus ante litis contestationem mutandi habet facultatem. *L. edita. 3. C. de edendo.* Post litis contestationem Actor libellum substantialiter mutare nequit. *Arg. L. non potest. 23. ff. de judic.* Nisi inchoata novâ instantiâ novum cum refusione expensarum offerat libellum. *Cap. examinata. 15. de judic.* Quia libellus pro litis contestatione formatur, & in quasi contractum inter partes litigantes transire consuevit.

Quæres duodecim. Quando libellus substantialiter mutari dicendus est?

R. Substantialiter mutatur libellus, quando actio in illo proposita, vel causa petendi in eo expressa variatur, & alia proponitur, aut à re petita receditur. Ut: quis dixit se se esse Dominum rei, & postea videns difficulter se posse probare Dominium, libellum mutat dicendo: sibi quasi Dominum competere. *Cap. Abbate. 3. de Sentent. & re judicata. in 6.* Accidentaliter emendatur & corrigitur libellus, quando virium aliquod, vel obscuritas tollitur, vel aliquid additur, aut detrahitur, salvâ manente libelli substantiâ, ita, ut nec res petita, nec causa petendi varietur.

T I T U L U S IX.

D E

Mutuis Petitionibus.

Oblato Judici Actoris libello, per hunc reo communicando, interdum reus conventus vicissim aliquid ab actore petere, eumque oblato libello reconvenire solet, præsertim quando compensationi locus non est, ut quia debitum ab ultraque parte non est liquidum.

Quæres prim. Quid est mutua petitio?

R. Est conventio ex parte actoris, &

reconventio ex parte rei, quâ reus oblato libello actoris vicissim ab actore aliquid exigit, coram eodem Judice, & in eodem judicio. Nam reo ad emanatam citationem comparenti communicatur libellus, & reus visâ petitione actoris eundem sëpe reconvenit, hoc est: ab actore aliquid sibi debere contendit, oblato reconventionis libello. Exemplum. Petrus oblato libello convenit Paulum, in quo Paulum

Q q q 3 ad

